

光緒元年孟秋月

彭水縣志

板藏摩雲書院

彭水縣志卷之四

古蹟志

黔涪建遷不常厥邑故蹟遺墟陸離原隰古碑榛莽荒塚

松楸攜筇蠟屐攬勝尋幽志古蹟

遺址

涪陵故郡

按通志漢初為涪陵縣屬巴郡建安六年劉璋置屬國都尉領丹興漢葭二縣蜀先主增置漢涪縣升涪

陵為郡以統之其郡治凡三徙考唐元和郡縣志云漢涪陵

郡地在黔州東九十里即周隋黔州故城唐元和中黔州

在今縣治西壺頭山下則其東九十里蓋今保家樓以上等

地即周隋之黔州亦即漢之涪陵郡也又按太康地記云涪

陵郡移理漢復漢復即漢涪在今貴州婺川故洪杜縣地此

則晉武帝太康以後之涪陵郡也故水嘉以後涪陵故地雖

沒於蠻而東晉之初仍設郡守蓋自太康時已移治漢涪故
疆宇雖蹙而官守不廢也至永和十二年移郡治於枳縣蓋
因郡治漢涪逼處蠻獠故徙內
地以避之則卽今涪州地矣

黔州故治 凡三處一爲漢涪陵故地卽元和志所謂故黔州城

陵郡治久已移於枳縣因以故涪陵地爲黔州彭水有黔州
之名實始於此至隋改黔安郡唐仍爲黔州其地皆在今縣
東九十里至貞觀四年移州治於涪陵江東彭水之南則在
今縣治南門外至天寶六年都督蕭克齊以舊城傾欹移築
江畔則在今壺頭
山下江岸等地

漢葭故縣 考華陽國志建安六年劉璋分涪陵地置漢葭縣設

漢葭卽彭水而漢時涪陵郡治在今縣東九十里當黔彭之
交故東可以領丹興西可以領漢葭也晉永嘉爲蠻所據縣
遂廢隋唐
爲彭水縣

洋水故縣

舊唐書云武德二年分彭水地置益隆縣元和志云初在縣東貞觀十年移西南一百六十里先天元年

避諱改盈川天寶初改洋水九域志云宋嘉祐八年省為寨入彭水熙寧二年改為鎮今縣西洋水壩地即古縣治也

信甯故縣

寰宇記云隋大業十一年置信安縣以地踞信安山故名唐武德三年改信甯屬義州今貴州石阡府也

貞觀四年移東北七里地十一年改屬黔州九域志云宋嘉祐八年省為鎮入彭水今縣西北波惹鄉有信甯場後據馬

鞍山或即信安山也其東北七里則江口鎮小河之側有平原數里城垣基址彷彿可尋貞觀後移治之信甯縣當在是

明曾設信甯司巡檢及江口公館今皆廢

漢髮故縣

華陽國志云漢髮縣有鹽井注云髮字當作葭謂唐陵所領縣但有漢葭無漢髮也然三國志吳鍾離牧

傳云吳主以牧為平魏將軍守武陵而魏以漢髮長郭純為武陵太守率涪陵民誘致諸夷進攻西陽縣武陵郡人皆震

懼則漢時固有漢髮縣也云有鹽井以今考之當在郁山鎮地

紹慶故城

在今縣治南沿江岸上三里插旗山之東壺頭山之

東南依山為城周圍六里分四門南門尚存餘三門

但有城址西門尤堅固完好不基厚一丈六尺惟女牆已頽

耳南門有石刻字多漫滅其可辨者云皇宋咸清壬申六月

上吉日武功左庶子云云武尉云云紹慶府管轄云云峴山

上官翔建據此推之知此城翔建於宋度宗咸清八年而郡

守為襄陽上官氏但不識其名耳今覽其地雖不及江岸平坦而險要可守

按古涪陵黔州紹慶等治雖設於彭水而所轄之地極廣自

改郡為縣之後已非舊時疆域如舊志所載漢涪廢縣涪川

廢縣洪杜廢縣都濡廢縣今皆在貴州婺川縣境萬甯廢縣

今在貴州安化縣費溪安定廢州在湖北施南府境彭邑境

內已無其遺址與已上郡縣有遺址在境內者不同若一例

列入遺址類中反使古今疆域牽混難明今特附記於此俾考輿地者了然於此疆爾界不致貽叩槃捫燭之譏云

萬就故砦

卽今萬足鄉宋史地理志有黔江二十九砦曰白石關門左水永安安樂雙洪射管右水蠻塚浴水潛平

鹿角萬就六保白水土溪小溪石柱高望木孔東流李昌僕

射相陽小村石門茅田水棚虎眼今境內惟萬就鹿角安樂

上溪石門茅田諸名猶存萬就在國初爲萬楚乾隆固縣

令某以楚字欠雅去就存足爲萬足鄉居邑邊境地頗繁庶

鹿角故砦

在縣南九十里鹿角池有古石門卽宋砦也

安樂故砦

在縣東北廿棠鄉安樂壩

茅田故砦

在縣東五十里茅田鄉

土溪故砦

在縣東七十里大河鄉

石門故砦

在縣東北橋梓鄉石門壩

難溪故砦

宋史地理志彭水縣有洪杜小洞界山難溪四砦今難溪在縣南七十里與貴州婺川界舊有市因兩界

交互易為盜藪

邑令某毀之

採芹故城

明洪武中土酋亂涼國公藍玉征之運石為城今遺址在縣東三十里圍十餘里山不甚高而險可據上

皆沃壤國初鄧

甲嘗據之為亂

雞冠故城

在縣東一百四十里雞冠鄉城已夷惟東門尚存周圍時有頽垣建置無考

鹽井故址

在縣北龍射鄉與鹽田壩相近有泉水數處嘗之味皆鹹農人掘土時得朽竹大如盃似鹽井引水之筒

疑其本古鹽廠也國初居民亦有汲水以前煎者而地皆陸

海不通舟楫距涪郁二江均遠輓運維艱利甚微而費鉅事

遂中輟後墾田日廣井俱為田所掩至

今秋田中牛每聚飲處嘗之猶有鹹氣

塚墓

蜀漢涪陵太守龐宏墓

按蜀志本傳但云宏官終涪陵太守碑目考則謂神道墓闕俱在涪陵今

墓地無考惟城南涪江上游有龐灘或即以太守得名也

唐太尉齊國公長孫無忌墓

在縣西北一百二十里江口鎮岐山之麓高宗時公安置黔州

許敬宗使袁公愉迎令自殺葬此後中宗復辟仍遷葬長安而初葬之壙猶存縣境明萬歷間知縣吳元鳳為立墓碑題曰唐太尉齊國公長孫諱無忌之墓每歲春秋仲月邑上民以羊豕祀之至今猶然墓旁五里許始為薄刀峽峽長三十里其中為涪彭交界處計自墓至交界凡二十里墓地雖與薄刀峽近而實在信甯場北岸岐山下不在峽中近涪州志因峽之半隸涪州遂謂墓亦在涪蓋未親歷耳

唐溪州刺史上柱國田英墓

同治間邑城西農民張某掘土得石榔旁樹石碑因告諸邑紳

古蹟

塚墓

四

捐觀碑文蓋唐銀青光祿大夫使持節溪州諸軍事守溪州刺史雁門縣開國男食邑三百戶上柱國賜紫金魚袋田公諱英募道也公父諱寅為洪杜令秩滿奏授光州司馬上柱國賜緋魚袋公以開成元年為溪州刺史不苛不擾憫恤惇廢政布五溪譽傳巴楚開成二年卒於酉陽官舍葬於府城西南隅堦牙峯高原云云撰碑者經畧隨軍將仕郎試太子通事舍人後周介公元孫太陽子宇文坤也今按溪州係湖南永順府酉陽係湖南辰州府惟虎牙峯名於古無考或即摩崗山下小峯也

碑文現有河西萬天宮內茲不具載

宋少師思國公田祐恭墓

雍正間通志云在縣東鹽井鎮嘉慶間通志云在信甯里今兩地俱

無考按一統志祐恭本貴州思南人考思南府志有祐恭墓誌銘係宋朝請即于觀誤意其墓地昔隸彭水而今隸

思南也

宋史官黃庭堅墓

在郁山鎮案山谷本不幸於此特後人為虛塚以志景仰云

宋進士文渙墓 在九曲河
文家嶺

元紹慶府總管向午鳳墓 在郁山鎮巡警後形如小阜隧道
在其下舊有神道碑因亂毀道光

間其子孫家郁者復立
碑墓頂俗稱狀元塚

明縣令聶元濟墓 通志云豐城人知彭水民懷遺愛建祠祀
之今祠已廢惟祀名宦祠其墓在城南日

山麓每歲仲春官
具香帛筮日致祭

明湖廣漢陽道朱旭墓 在縣北鹿鳴鄉高谷
場萬厯乙酉重修

明川湖總鎮都督府黃顯吾墓 在鹿鳴鄉
牛峯舖

明李烈女墓 在江口鎮邵家坡路側事詳列女崇禎時川東
道王公題刻墓碑後毀今康熙壬午族弟先春

重刻同治癸酉有侵其隴者士民
具控縣令鳴謙罰令增修祭亭

塚墓

七

明節婦李戴氏墓 在縣南事
詳列女

明節婦某氏墓 在東山下邑令
周曦有墓表

國朝重慶營把總駐防郁山殉難張公宏道墓 在郁鎮鳳凰
山下詳忠烈

江烈女墓 在郁鎮雞鳴井
巖左詳烈女

金石

古鼎 在儒學署高二尺許舊有二鼎道光間知縣李盤持其一去尚存此一鼎歷任學官珍重守之

宣德爐 龍射鄉寨子塚民掘土得香爐大如盆上刻大明宣德四字古色斑斕真數百年前物也鄉中好古者購之去

古刁斗 龍射鄉民於寨子塚下掘得上有款識莫能辨

古銅餅 在寨子塚掘得土花苔蝕斑駁陸離以浸花經月不謝

摩圍山石刻 蜀藝文志摩圍山唐人石刻云巴黔道途濶遠亦無館舍凡至宿泊多倚溪崖就水造澆鑽木取火

黃魯直留題 碑目考云魯直謫黔有涪翁晚杖策至此觀江漲雨餘天欲涼十五字墨蹟在嘉禾堂今不存

綠陰軒諸石刻 在城南綠陰軒下石壁上有綠陰軒三字旁有山谷二小字康熙癸未重慶知府陳邦器又書

危然大塊四字鐫石上方復有卧佛巖三字又山靜日長山水清音崖迎碧水等字又一石刻剝落惟谷飛二字可辨均

不詳為何代
何人所書

黃魯直題石

道光間小北門居民掘土得石刻云楊皓明叔任
榮子脩自城西來會於石間凡十六字旁有涪翁

題三字字畫完
好宋代真蹟也

月巖石刻

在縣署儀門外宋紹定間通判冉木銘
其子漢賓書乾道間通判閻九成題名

五龍石室石刻

在縣西摩圍山下石
壁未詳何人所刻

玉筍仙巖石刻

在摩圍山石筍上康
熙間知縣陶文彬書

壽字石刻

在東門坡路左乾隆戊申知縣鍾
蓮書字徑數尺遠近摹搨者甚衆

唐溪州刺史田英墓碑

在河西萬天宮字
跡多完好詳塚墓

明節婦某氏墓碑

在東山下字跡皆漫滅惟
萬歷節婦之墓六字可辨

紀勝

摩圍雲頂

在縣西一名摩圍山一名摩雲峯一名雲頂峯巍峩
棟天高入雲際上有摩圍洞雲頂寺下有五龍石室

道書以為洞天福地為八景之一

石華晚翠

摩圍山之北嶺有石華巖橫互里許石巖如花晚霞
返射光采燦然晴則鮮明雨則澗淡為八景之一

長溪九曲

水出獨秀高峯二山之間榮折九曲出聖廟之右
前合郁水每春漲初平邑人泛舟游泳為八景之一

聖水三潮

城西五里涪江之旁有石罅中出泉水二道一大如
指一小如筋每日子午酉三時山脊隆隆如雷聲則

噴薄涌沸大者如盃小者如盃數刻仍如故日必三潮水色
或清或濁舟行見之則吉為八景之一

月巖飛石

舊在縣西壺頭山今在縣署儀門外形廣六尺石甲
嶙峋上有一竅如滿月旁列三星如賀珠宋通判冉

木為銘今因年久頗有殘缺為八景之一

木櫃懸巖 縣東十里郁水之側峭壁摩天中有三石穴穴置一

壞且危崖千仞猿鳥路絕非人力所可施也據柳春浦聊齋續編謂舊本六櫃有某參將以砲碎其一惟見鷄毛蔽天而

參將之舟亦旋覆遂止存五櫃云然今惟見三櫃未知其二在何處為八景之一

甘山石燕 縣南三里有甘山峯巒奇秀泉石清幽土中產石燕大如指頭足俱備毛羽儼然可玩為八景之一

戲水金鰲 縣治之西涪江中流小洲隆起形如巨魚登山岸之頭尾鱗翅隱躍如生有泉渦久旱不涸為八景之一

午風山 在縣城內林木葱蘢石磴曲折上建長壽寺每當夏月炎歊逼人而清風徐來渾忘酷暑邑人多憩息於此

萬壽山 亦名高峯五嶺峙其後九曲繞其前上有真武觀佳樹扶疏依山曲折塵囂迴絕臺榭清幽為一邑勝概

綠陰軒 縣南一里危崖矗立涪江繞之上有榕樹濃陰蔽日下有磐石可布几席為黃山谷游息處每盛夏日午至其

下則涼風颯然游人題詠石壁皆滿道光初知縣楊于高構軒三楹復摹崖下山谷手書綠陰軒三字於軒內後知縣涂